

旅大文獻徵存卷六目錄

唐井闌題名

元管軍上百戶張成墓表

明天祀廟記

重修勝水寺記

得勝廟記

重修武安王廟記

重修榆林勝水寺記

重修得勝廟記

歸服堡城門石額

文六目錄

永安臺石額

字蘭鋪城門石額

遼東金州先師廟記

金州衛建修廟學記

廣鹿島靈濟寺記

啓建新安寺記

清重修永慶寺記

重修寧海縣學宮記

三官廟記

何公祠記

重修城隍廟記

南金書院記

明季旅順死難諸將墓碣

顯忠祠記

王貞婦由氏節烈記

劉郭氏節孝記

連公德政碑

金貞婦仲氏墓闕銘

徐君墓碣

綦節母墓表

文六目錄

旅大文獻徵存卷六

全縣孫寶田編纂



唐井闌題名石高一尺六寸廣一尺一寸九分三行行八字至十一字正書

勅持節宣勞蘇羯使

鴻臚卿崔忻井兩口永為

記驗開元二年五月十八日

此石在金州旅順海口黃金山陰其大如駸唐開元二  
年至今一千一百八十二年其井已湮其石尚存光緒  
乙未<sup>年</sup>冬前任山東登萊青兵備道貴池劉含芳作石亭  
覆之并記此記正書五行刻於原石之旁

文六

羅氏滿洲金石志云右題名原在旅順口黃金山之  
麓自日俄戰後以石歸日本宮內省矣考舊唐書渤  
海靺鞨傳稱睿宗先天二年遣郎將崔訢往渤海冊  
拜祚榮為左驍衛員外大將軍渤海郡王与碑文合  
惟崔忻史悞作訢其稱鴻臚卿者乃出使時加授之  
官唐制鴻臚卿兼掌出使封拜事唐書百官志鴻臚  
寺卿一人從三品掌賓客及凶儀之事凡諸蕃封命  
則受冊而往傳書郎將乃紀其原官也傳記訢奉使  
在先天二年考先天二年十一月始改元開元開元  
元年僅一月耳石刻作開元二年乃奉使後數日又

此刻遼東志著錄謂凡三十一字今校以石刻志於井上多鑿字文末多造字其實原文仍二十九字也金毓紱東北史引舊唐書渤海傳云祚榮於聖曆中自立為振國王振一作震應源於其父震國公之封惟武后聖曆凡二年其在何年立國宜一考之茲據日本史定其建國之年於聖曆元年

日本類聚國史（一九三）文武天皇二年大祚榮始建國渤海和銅六年受唐冊立

按日本文武天皇二年即唐武后聖曆元年西曆六和銅六年即唐玄宗開元元年西曆七一三年唐冊封祚榮為渤海郡王正為開元元年則謂其建國於聖曆元

文六

二

年自為可信之紀載類聚國史為菅原道真等撰成於宇多天皇寬平四年當唐昭宗景福元年在舊唐書未修之前此短簡之紀載與唐書紀不類此為日本徑自渤海得來之史料極可珍貴者也

又云渤海本為靺鞨之粟末部雖自稱為震國王而唐人仍以靺鞨稱之迨玄宗開元元年始封大祚榮為渤海郡王自是始有渤海之號

舊唐書渤海傳睿宗先天二年遣郎將崔訢往渤海冊封祚榮為左驍騎衛員外大將軍渤海郡王仍以所統為忽汗州加忽汗州都督  
按唐玄宗於先天二年受睿宗禪二年改元開元是

先天二年即玄宗開元元年也今旅順黃金山猶有  
崔忻奉使之遺蹟忻以郎將攝鴻臚卿而往者也因  
是時營州之陸路已為契丹所梗故忻由海道而經  
旅順如忻以元年秋冬往則須於翌年春夏歸海道  
初闢跋涉維艱故需時頗久忻於歸途鑿井以為後  
日之記驗故為開元二年五月也

元管軍上百戶張成墓表

此碑別字諄字頗多  
今悉照原文錄之

皇元故敦武校尉管軍上百戶張君墓碑銘

東路蒙古侍衛親軍都指揮使司令陸克敬撰

東武司史王繼先書丹芝陽石匠作頭吳安道鐫刻

文六

三

張君諱成蘄州人氏至元十二年內附十六年詔選精  
銳軍士起赴京師克當侍衛君應詔選時年已壯仕矣  
勤而有勇蘄州路新附軍總管司擢君權克百戶五月  
蘄州路招討口口復擢口口侍衛軍百戶統軍八十六  
名暨妻孥至京師侍宿衛十八年樞密院擢君仍管新  
附軍百戶率所統增千戶岳公琇往征倭四月至合浦  
登海州以六月六日至倭之志賀島夜將半賊兵口口  
來襲君其所部拋艦戰至曉賊舟延退八日賊遵陸復  
來君率纏弓弩先登岸迎敵奪占其險要賊弗能前日  
晡賊軍復集又返敗之明日倭大會兵來戰君統所部

入陣奮戰賊不能支殺傷過半賊敗去行中書賜賞有  
差賜君幣帛二軍還至一歧島六月晦七月二日賊舟  
兩至皆戰敗之獲器仗無口二十七日移軍至打可島  
賊舟復集君整艦與所部日以繼夜鏖戰至明賊舟始  
退八月朔海風作船壞軍還至京二十一年君承命乾  
山伐木運至京師以為修葺之備二十二年十二月勅  
授君敦武校尉管官上百戶詔賜白金五十兩鈔二千  
五百緡幣帛二命統所部軍携妻孥輕重隨千戶岳公  
隸宣慰使都元帥阿八赤往水達達地面屯田鎮守明  
年三月至黑龍江之東北極邊而屯營焉二十三年五

文六

四

月諸王乃顏叛從千戶岳公領軍屬以南且戰且行七  
月二日至古州敵障其前不能進議夜攻敵營失其路  
黎明迎敵力戰敵敗之如是遇敵相戰踰四月至高麗  
雙城十月回至遼陽又起鎮咸平府二十五年樞密院  
撤仍宿侍衛廿六年隸右翼屯田萬戶府廿七年調楊  
村桃御河五月隸臨清運糧萬戶府三十年詔領所統  
軍併為金復州新復軍萬戶府屯田鎮守海隘七月至  
金州君分屯於城之東北雙山沙河之西遂為恒業而  
居焉三十一年四月六日卒年六十有九嗚呼皇元興  
盛武勇之士盡力効忠於時也君由微應詔選充侍衛

征日本戍極邊二十餘年水陸奮戰何啻百十餘陣爵授百夫長而世襲焉非君之忠於為國曷至於此哉君之妻王氏一子貴未襲而先卒君之孫二人尚幼次賽奴又卒幾乎廢矣大德二年長重孫襲祖職勅授進義校尉陞敦武加忠翊追贈其考曰忠顯校尉管軍上百母黃氏妻劉氏封恭人繼妻王氏男三人長保保室劉氏次象家室湯氏三抑馭室姚氏孫狗兒黑厮歪頭八速開住賽家奴女四人以至正八年三月朔日遷柩於沙河東而營焉銘曰皇祚隆興是生孔武君奮戰威從征口口二十餘年忠勤不吐有子先終幾乎廢功孫其

文六

五

承之襲爵無窮刻銘樹石并永固同

昔至正八年戊子三月朔日忠翊校尉管軍上百戶張重孫等立石

此碑數年前日本岩間氏德也得之全州北門外岱

宗寺

又名天齊廟

今藏旅順博物館碑中所記証之元史

或合或否碑稱成蘄州人氏以至元十二年內附十六年詔選精銳軍士起赴京師充當侍衛君應詔選時年已壯仕矣勤而有勇蘄州路新附軍總管司檄君權充百戶五月蘄州路招討口口復檄口口侍衛軍百戶統軍八十六名暨妻孥至京師侍衛宿案世

祖紀至元十二年三月癸未師次蘄州宋按撫使管  
景模以城降成殆以偏裨降元者也元初軍制典軍  
之官視兵數多寡為爵秩崇卑長萬夫者為萬戶千  
夫者為千戶百夫者為百戶萬戶千戶百戶分上中  
下其軍士初有蒙古軍探馬赤軍蒙古軍皆國人探  
馬赤軍則諸部族既平中原發民為卒是為漢軍其  
所得宋軍則號新附軍兵志至元十六年四月選揚  
州省新附軍二萬人充侍衛親軍併其妻孥遷赴京  
師又先是宿州蘄縣等萬戶府士卒百人有旨俾充  
侍衛軍兵志成以至元十六年統軍八十六名暨妻

文六

六

孥赴京宿衛殆與揚州新附軍同時奉詔此均與史  
合者也碑稱十八年樞密院檄君仍管新附軍百戶  
率所統堦千戶岳公瑋往征倭四月至合浦登海州  
以六月六日至倭之志賀島夜將半賊兵口口來襲  
君與所部批艦戰至晚賊舟乃退八月賊遵路復來  
君率纏弓弩先登岸迎敵奪占其險要賊弗能前日  
晡賊軍復集又返敗之明日倭大會兵來戰君統所  
部入陣奪戰賊不能支殺傷過半賊敗去行中書賜  
賞有差賜君幣帛二軍還至一歧島六月晦七月二  
日賊舟兩至皆戰敗之獲器仗無口二十七日移軍



至打可島賊舟復集君整艦與所部日以繼夜鏖戰  
至明賊舟始退八月朔海風作船壞軍還至京考征  
倭之役日本傳載十八年正月命日本行省右丞相  
阿剌罕右丞范文虎及忻都洪茶丘等率十萬人征  
日本二月諸將陸辭八月諸將皆未見敵喪全師以  
還乃言至日本欲攻太宰府暴風破舟猶欲議戰萬  
戶厲德彪招討王國佐水手總管陸文政等不聽節  
制輒逃去本省載餘軍至合浦散遣還鄉里未幾敗  
卒于閩脫歸言官軍六月入海七月至平壺島移五  
龍山八月一日風破舟五日文虎等諸將各自擇堅

文六

七

好者乘之棄士卒十餘萬于山下衆議推張百戶為  
主帥號之曰張總管聽其約束方伐木作舟欲還七  
日日本人来戰盡死餘二三萬為其虜去九日至八  
角島盡殺蒙古高麗漢人謂新附軍為唐人不殺而  
奴之間輩是也蓋行省官議事不相下故皆棄軍歸  
久之莫青與吳萬五者亦逃還十萬之衆得還者三  
人耳傳記征倭軍中有新附軍而不記領軍千戶岳  
琇百戶張成又傳但叙八月一日颶風覆舟而八月  
以前之戰捷則賴碑知之又傳但載衆推張百戶為  
主帥不及其名幸有此碑得知為張成成以覆軍之

餘尚為衆所推殆當時之能軍者至傳稱得還者三人則未確實參之相威傳言士卒十喪六七阿刺罕傳言喪師十七八李庭傳言士卒存者十二三雖均約畧言之並無確數然必不止新附軍之敗卒于間等三人且其領軍之張成亦生還京師日本傳之失實殆無可為之解也碑又稱二十一年君承命乾山伐木以為修葺之用蓋備修船以謀再舉則二十二年十二月勅授敦武校尉管軍百戶與金鈔幣帛之賜殆以酬十八年戰績與伐木之勞也碑又稱命統所部<sup>軍</sup>携妻孥輕重隨千戶岳公隸宣慰使都元帥阿

文六

八赤往水達達地面屯田鎮守明年三月至黑龍江之東北極邊而屯營焉考來阿八赤傳言二十二年授征東宣慰使而不及水達達地屯田鎮守事惟記其子寄僧曾為水達達屯田總管府達魯花赤可為此碑之証而兵志三記遼陽等處所轄屯田亦不載至元間水達達設屯田總管府可據此碑及來阿八赤傳以補兵志之缺漏此均碑與史不合可據<sup>碑</sup>補正史氏者也至諸王乃顏之叛世祖紀在至元二十四年証以土土哈李庭洪俊奇<sup>附其父福源傳</sup>鄭制宜<sup>附其父鼎傳</sup>諸傳並同而碑作二十三年決為四字之訛碑記二

十二年成屯田鎮守水達達其下記明年三月至黑  
龍江之東北極邊所謂明年即二十三年不應其下  
更記二十三年其為悞字無疑此碑與史異然固不  
得執碑以疑史矣至碑稱成征乃顏至雙城蓋其時  
成方隸來阿八赤子寄僧軍故來阿八赤傳亦載寄僧  
戰乃顏於雙城此又碑與史合者成名雖不見元史  
而此碑則頗資考証至世祖至元二十三年紀有千  
戶張成則同名而非一人彼為千戶此則終於百戶  
也碑多訛字不僅四字之悞三又偕千戶岳公琇往  
征倭偕悞作增攜妻孥輕重隨千戶岳公隸宣慰使

文六

九

都元帥孛悞作孛調楊村挑御河挑悞作挑撰文者  
固已拙陋書者又出其下矣滿洲金石志卷五

明天妃廟記 永樂六年立碑文正書

天妃廟記 額四字篆書

西淮程樗撰 于越白圭篆額 番易何謙書

□□□□□□依者人也神而依人則足以顯其靈  
而揚其威人之所以□□□□□□而事神則足以賴  
其休而蒙其福夫以神之與人初未嘗不□□□□  
也使其相須而不相依抑何足有以顯其靈而賴其福  
哉此神之不可以無人而人之不可以無神者然也金

州之旅順口舊有天妃聖母靈祠歲久傾塌不堪瞻仰  
永樂乙酉春三月推誠宣力武臣保定侯以巡邊謁廟  
覩其事召其郡之耆舊謂曰天妃聖母海道勅封之靈  
神也克庇于人食民之祭往昔然矣今之渡鯨波而歷  
海道者莫敢不致祭敬於祠下咸蒙其祐茲欲重新創  
造汝輩其效勤焉衆曰諾於是各拚帑輸金鳩工掄材  
興工於永樂丙戌之二月二十六日畢工於永樂丁亥  
之八月十五日殿堂門廡黝聖丹牖粧塑廟貌與然一  
新豈意久稽奠享致形夢寐有不可為言者乎於是遣  
官進禮於祠下而立石焉嗟夫世謂神依人而靈人依

文六

十

神而立是抑盖有由者矣於此見吾侯之心誠感乎而  
神之所以孚佑吾侯者有不可為言者歟於是乎書

永樂六年歲次戊子夏四月吉日

奉天靖難推誠宣力武臣特進榮祿大夫柱國保定侯

孟善立石

碑陰

助福遼東都指揮徐剛

立石定遼前衛千戶段誠 鑄石匠鄒福海 劉旺

提調百戶閔安 木匠張福 泥水匠趙牌

塑匠祁福名 鄧智 畫匠夏叔良楊春胡善王智

口口惠安 口口致仕千戶郝方

此碑原在旅順天后宮今移至旅順博物館碑稱金州旅順口舊有天妃聖母靈祠歲久傾塌永樂乙酉春三月推誠宣力武臣保定侯以巡邊謁廟謀重新之乃於丙戌二月興工以丁亥八月畢工六年戊子四月立碑記其事未署奉天靖難推誠宣力武臣特進榮祿大夫柱國保定侯孟善立石案孟善明史有傳載善為河豐人仕元為山東樞密院同僉明初歸附以功累遷右軍都督同知封保定侯永樂元年鎮遼東七年召還北京以老致任十年六月卒明太宗

文六

十一

實錄所記與傳同傳蓋本之實錄也惟傳不載善武

臣封號實錄十二稱洪武三十五年即建文四年革除後削建文號

仍稱洪武九月甲申陞賞奉天靖難諸將進都督僉事孟

善為奉天靖難推誠宣力武臣特進榮祿大夫柱國

右軍都督同知保定侯與此碑所書結銜正同善以

永樂元年鎮遼東以三年巡邊至旅順謁廟次年興

工逾歲落成六年立石又逾年而還京致仕矣碑陰

有都指揮徐剛金州衛人遼東志卷五職官永樂十三年十

二月丁丑以捕倭畏怯戍邊太宗實錄九十六十七年劉江

望海竭之捷剛與其役見萬曆重修得勝廟記滿洲金石

重修勝水寺記

正書有別字與訛字

重修勝水寺碑記

額七字篆書

迪功郎沁州武鄉縣縣丞郡人蕭儀撰述

典庠教貢士郡人魏達篆額

正一嗣教道門羽士郡人李正道元書丹

蓋聞釋教之興肇自西域迄漢流慈遠被東土微言崇  
闡能拯含類於三途遺訓宣揚善導郡生於十地是以  
郡迷向化庸蠢知遵中國僧寺之設良由如此自是以  
來歷唐宋及我朝悉崇斯教僧寺之設無處無之郡城

文六

十二

東去二十里有山一峙曰大黑山松柏森鬱凌漢衝霄  
翼鳳山枕鯨海蕩蕩雉兔者往焉絕頂有井二眼山畔  
有城一圍昔唐太宗避兵所制傳所謂卑沙城是已洪  
武初僧人陳德新方影山遊覽至其山陽亂石間盤旋  
而上將絕頂見怪石聳披一壁下有舊刹址不知為何  
時所遺東有泉一泓西有洞一穴前有懸崖仰觀天近  
俯視雲低松螺擁翠旭日呈紅景緻幽奇為遼左東南  
一隅之勝境也二僧曰可止遂卓錫開山履危涉險不  
憚胼胝之苦勞心焦思募券眾善之緣於怪石下建殿  
塑像左立禪房右脩石洞前蓋觀音閣於懸口嵯峨一

石徑自麓尋陞其剝越三載功乃落成名曰勝水寺郡人及往來官士暇則多喜覽登臨者曰榆林一洞天也歷歲久之二僧俱無恙圓寂梵宇不能無廢墜正統間僧人劉正惠即德新開山之徒見其零落同善士滕興叩白眾善已遂重脩之果力薄緣輕未能立石以誌後正惠亦無恙圓寂迄今又數十餘年殿閣門墻將復傾頽朽壞弘治己酉僧劉繼智同龔覺海即正惠從子功德主馬雄沈善敬芮善通李明通發心請命于都閩耿公蒙允所請助以人力木料闔郡向上者咸施所有鳩工以脩朽壞者更之傾覆者植之循其舊而新其制振

文六

十三

其墜而益其無歲周功完未請予記夫創始固難守成不易今僧性不定去住無常或游衣游食不務祖風或恣意恣情不守戒行如此不過沽僧名而脫俗假佛力以求口而已創始固不能又何以望能守其成哉繼智覺海同善信馬雄生有善根行無惡狀動靜食息不離手善於廢墜未脩者脩之碑石未立者立之歷萬口口口口口千劫而歸善道可謂能守其成矣梵餘無事晨鐘暮鼓祝皇圖於永固焚香誦典願佛日之常輝俾郡生蒙福脫塵世而共拔迷途眾信霑恩遠波濤而同登彼岸其流慈遠被為可見矣空門之理幽穹予素未

講姑述此以記歲月云

大明弘治叁年夏六月朔日立

大清咸豐二年三月吉日因碑座崩壞于化龍捐賞重

立造作匠襄平僧善劉口連

此碑今在勝水寺稱寺創於洪武初年案謨碑人蕭儀篆額人魏達均見遼東志六儀成化間歲貢仕至武鄉縣縣丞改涑水縣縣丞達仕至直隸邳州睢寧主簿碑文稱都閫耿公助以人力木料而不載其名案遼東志六人物有耿賢註字良佐定遼前衛人由指揮功陞都指揮僉事備禦金復鐵嶺復掌都司印

文六

十四

雖不載其年月以銜名考之知當即其人也碑文頗陋劣書人亦有訛字如善導羣生於十地及羣迷向化羣生蒙福諸羣字均訛作郡邊地文化未啓固不能以淹通責之也滿洲金石志卷五

得勝廟記据舊鈔本逸錄以校滿洲金石志溢出十五字

得勝廟記額四字篆書

山鎮海塢寔地利之便□□鴻達就古刹之方□也□□□□□秀氣□□峯儀井□□□□□降□□□天地開泰之時而金城□烽□□□□但不若斯地之清麗也彼於先帝洪武歲始則柔□□□名□□□



口望海塢基址口口燒口口口久口口口於永樂歲口  
口洋口口口交足携弓担槍方各駕大航自東境而口  
徂言口口口出口口口口口道途口口口口  
口口參之鄉邦無由而往其生產之勞嘆聲悲痛無口  
口口舊有口口以保商民又何得以撫人乎盖惟仰慕  
宏仁征虜忠武前將軍都督劉口口防禦於斯口口  
口口口口橫野口口口口口口之則口口口際作  
陣潛出蛇蝎縱莫不山呼載道驅衆口口口口之口口  
口口口口麾下令千兵姜公焚燒其艘口口口去而  
是時口因境口口口口口口口口而日得勝之是時上  
有口四

文六

十五

基迹也口口口口數千兵余口口口口發盛口口口  
起造口口口口口口其口口口口口欲恒久於斯  
續口其事禪僧滿座口因其口口口口於口哉口体口  
口口口廣口口口皇帝口口尊亦欲恒接是師之口會  
就鄉方善口口等同結良緣口口萬年之運城口於口  
口口是為碑口口犯口口倭口口口永口  
口口密口口船驚口口野口口干戈口口口  
遇旌旗口口日月口揚口鼓咿山川口口口口辱  
口口陣口口口忠武將軍口遠口口口陣口口口州  
口口口待來卒口還車馬口不口口口口口口石口



令有司春秋致祭又太宗實錄一百一十永樂十七年六月戊子遼東總兵官劉江以捕倭捷聞上賜奎書褒諭徵江還京師且令上將士功又一百二十七年九月壬子遼東總兵官都督劉江被召至封奉天翊衛宣力武臣持進榮祿大夫柱國廣寧伯食祿千二百石子孫世襲初名榮其父名江隸燕山左護衛兵籍有疾榮代役因冒父名至是復其初名云冬十月癸卯令廣寧伯劉榮充總兵官仍鎮遼東明史列傳徑作劉榮遼東志三兵食沿海城堡墩架金州下有望海塢堡注守堡官一員全邊略記亦作劉江嘗請於金

文六

十七

州衛金線島西北望海塢上築城堡與一統志云塢在海州衛海州殆金州之謬也碑有姜公焚燒其艘語以下字殘不可辨按遼東志命劉江傳望海塢之役江親督指揮徐剛領兵赴堡外復遣百戶姜隆以奇兵伏山下邀其歸路則姜公者殆即隆也碑立于正德元年距江之破賊已八十年矣滿洲金石志卷五  
重修武安王廟記在金州城內中衛銅像光復後拆除  
重修武安王廟記額七字篆書  
金州城中有曰闕王廟規模廣大制作口口與夫中口口口口口口口口口口者庶莫不以為仙所作也

歲久而惡劫木□□雖往□來□者亦皆長□□□  
頃其能以脩治之乎正德甲戌都指揮管公□□於  
□丹命鎮□□□□□□事公遂捐己賞倡衆出財  
物各助以輕重□□□王謀度竭心□□□□□  
□鑿石為欄營作正殿棟宇翬飛照耀丹碧其聖賢廟  
像考正如□□□□□□抑且增倍於舊矣更作鐘  
鼓二樓以警朝夕建立閑房以閑龍驥□□□□□  
□足以安神威而祭祀有其所慰人望而祈仰有所歸  
約朞月間成功□□□□□□心操行幹濟才能不言  
可知矣今正德庚辰都指揮俞公俊素以□□□□□

文六

十八

□□土因謁廟見其中之所未備者又命工採石鑿為  
獅虎列門之左右□□□□□□以黜堊誠邊衛之重  
鎮當世之偉觀也則夫一念之忱敬神之雅又何如□  
□□□陰德者必有陽報今公有功於廟可謂有陰  
德者矣吾知神之靈徵□□□□□□有感則應捷於  
影響公之獲報豈止今日而已哉故書曰為善獲福易  
曰積善之家必有余慶斷不爽也余非敢文因俞公之  
命故拜書此以為永久之記□□□□

正德十五年仲夏月望前吉日立

廣平府成安縣登仕郎榆林湯倫篆

吏部聽選監生金州丘松撰

吏部聽選監生渤海方清書

碑陰

督工衛鎮撫李口

都掾

黃鎮

陶口

張口

張福

張政

李文陞

備禦金州等衛都指揮俞俊

指揮徐經

千戶張演

郭鑄

張玠

都指揮賈崔

陶臻

文六

十九

督工千戶周佐

鑄字匠

劉興

此碑今仍在金州碑稱正德九年都指揮管公修廟

十五年都指揮俞俊又重修飭落成刻石按管公下

字滅不可見遼東志官師都司內亦不見管姓者殆

志有遺佚也俞俊見遼東志各衛帶俸都指揮下注

前屯衛人都指揮同知撰碑之丘松書者方清皆正

德間金州衛人歲貢生均見遼東志

滿洲金石志五

按全遼志湯倫為明弘治間金州衛歲貢生官成安

縣主簿与碑合

都指揮賈崔下陶臻之旁應有

白口二人

重修榆林勝水寺記寺在金州城東大黑山  
之東北巔又名觀音閣

重脩榆林勝水寺碑記額九字  
篆書

榆林城東去二十里許有大黑山寺東有泉水西有洞  
穴前有懸岩數丈岩上古建觀音閣松柏繞澗景緻幽  
奇誠乃勝境也因名曰勝水寺今有善士及功德主公  
子楊盛賈奉輩作善事於寺中目覩觀音閣損壞疏漏  
不蔽風雨垣塌數多難安聖像實可憫焉各發虔心請  
命於脩禦揮閫楊公掌印指揮福公於是二公欣然慨  
允助以灰木施以已貲以次率諸願從者施利雲集即  
日鳩材募工經營斤斧不旬月而功事告畢巍峨壯觀

文六

二十

矣然一新落成之日内外交歡神既能安人受多福余  
忝庠生蒙請作記義不容辭僭書於珉用垂不朽云耳

嘉靖六年歲次丁亥  
李春月下旬良旦

榆林庠生蕭韶撰

此碑今在金州城東大黑山上勝水寺院內西崖下  
碑云榆林城東二十里許有大黑山款署榆林庠生  
蕭韶撰名雖不載於遼東志其為金州人無疑金州  
昔稱榆林於明代碑刻中屢見之一於弘治三年蕭  
儀撰重修勝水寺記云郡人及往來官士暇則多喜  
覽登臨者曰榆林一洞天也二於正德十五年重修  
武安王廟記款署榆林湯倫篆倫為金州衛人弘治

間歲貢生三見此碑四於萬曆重修得勝廟記云都督劉江守禦榆林又清同治歲金州海防廳同知姚銘出示考課文云金州古號榆林界臨岫復則榆林為金州之舊稱信而有徵遼東志亦載金州古稱林不知起於何時俗傳地產榆因以為名云

重修得勝廟記

此碑有別字及謬字如年復一年之復誤作覆重興之重誤作崇元陽之元誤作坑西廊之廊誤作廟今悉依原文邊錄之

重修真武行祠以崇得勝廟碑記

嘗聞玄王上帝尊神垂今萬餘禩精氣英靈光灼灼降妖驅邪輔國安邦我朝崇祀封鎮於北方口啻遠邇

文六

二十一

邊塞清平皇圖鞏固帝道遐昌安攘祐祐悉紀何口永樂時倭寇駕船捌百艘擄掠沿海居民乘航奔望海塢焉都督劉江守禦榆林遂統兵攻擊鋒利難敵陣勢猶蛇形人望而畏劉統公畫謀都指揮徐公剛輩傳令官軍披髮拔劍儼若真武神狀壹鼓而攻砲發奔敗喪膽盡勦無遺船艘焚滅厥功偉哉憶此奇功若或使之當時官軍口稱得勝而立此真武神像故云得勝廟矣以後承平樂利物阜民安莫可勝言逮百年後風雨浸淫堂宇漸隳以致雨暘不時瘟疫益口官不進於崇職民不口其太平年覆一年彫殘殆盡皆萬曆丁亥孟冬

撫按

會委指揮使董公應元管理茲堡公思日事神治民分  
內事也是日晨至得勝廟謁焉觀此廟宇傾隳止遺神  
像暴露心甚悚惻有崇興意念但治事未畢姑徐竣之  
至己丑春夏元暘不雨苗禾枯槁上分行各處祈禱兩  
澤惟董公虔沐懇禱於真武祠基應期雨降乃神力也  
董公偕諸耆老李用薛凌口字口王世亨等輩共發內  
愿損貲於癸月初旬崇興真武神祠申呈道勳調人夫  
車牛脩蓋正殿參間東西兩口口口間大門參間口口  
參間仍命口口口口口口塑增神像於兩廟添設鐘鼓  
凜然武當山景象復興得勝規模自口口口神祐無口

文六

二十二

口口口口口口口口口口口口口口行商賈口

勝百倍利益黎民口口五穀豐登熙口口寧而崇興得

勝豈小泐口為後口以畧紀之是為記

守望海塢口口口口金州衛指揮泐下

萬曆拾口年歲在己丑冬月泐下

此碑今在距亮甲店七里俗稱金頂山廟即真武廟  
也廟蓋因都督劉江平倭寇而立故前記江平寇事  
江明史有傳作劉榮云榮初冒父名江及平倭封廣  
寧伯始更名榮故諸書所記或稱劉江或稱劉榮分  
省人物考劉榮傳其平倭事明史日本傳及榮本傳  
作改名江殆誤



並載之所記甚簡惟明太宗實錄及明大政纂要言之頗詳實錄記永樂十七年六月戊子遼東總兵官中軍左都督劉江以捕倭寇捷聞江嘗請於金州衛金線島西北望海塢上築城堡立煙墩瞭望倭寇一日瞭者東南海洋內王家島即馬雄島夜舉火江以寇聚其間亟遣馬步軍赴塢上小堡備之翌日倭船三十艘泊馬雄島寇衆登岸徑奔望海塢江親督諸將伏兵堡外山下伺賊既圍堡舉砲發伏都指揮錢真等領馬隊要其歸路都指揮徐剛等領步隊逆戰寇衆大敗奔入櫻桃園空堡中官軍圍殺之自辰至酉

文六

二十三

禽戮盡絕生獲百十三人斬首千餘級纂要言江鎮遼東行視金線島有塢曰望海特高諸海島可俯而瞰也念可營屯以控海乃請築城堡置烽候為瞭望一日瞭者三海東南島夜舉火有光江計寇且至將馬步兵伏塢上堡備之簡銳卒伏山下以待待旗舉砲鳴即起共夾擊明日倭二千餘乘海舸逼塢登岸魚貫行一酋貌獍甚揮兵登如入無人境江蓐食秣馬不為動而潛遣壯士間行往伺賊賊畢登則盡焚其舸已而賊至塢江披髮出搏賊舉旗鳴砲伏盡起夾擊倭大創走櫻桃園自閉空堡中我師追圍之將

校皆奮請入擊不許已而開西壁縱之倭急走張兩翼夾擊倭斬千數百倭跳身急走艚則艚又焚盡為焚舟卒所縛無一人得脫者凱旋將士請曰公見敵而秣士馬臨陣披髮追賊入堡不殺而縱之乃卒收功何也公曰寇遠來逼塙我飽以待饑逸以待勞固治敵之道賊始魚貫來為蚊陣作真武狀懾之亦愚士卒耳目而張其氣也賊入堡有必死心夫困獸必鬪缺生路縱之走業焚舟以待之此所以盡遺我禽也事聞上賜勅褒劉將軍封廣寧伯自是倭不窺海上上者數十年与此碑所記均合惟實錄稱倭寇船三

文六

二十四

十一艘泊馬碓島碑云倭寇駕船八百艘為不同明史日本傳作賊分乘二十舟劉榮傳作倭三十餘舟實錄之馬碓島日本傳劉榮傳均作馬碓島實錄作碓者雄之訛也日本傳及遼東志言斬首七百四十二生禽八百五十七實錄及本傳作斬首千餘級生禽三十人實錄三十作十數亦不同不如碑所稱盡勦無遺與纂要所稱倭二千人無一人得脫為得其實也有明瀕海各省北起遼東南至浙閩倭寇之害不絕自劉江大捷寇不復至遼東而南疆則直至嘉靖間始絕江之功亦偉矣哉辛未七月東友拓此碑

予得一紙山齋無事為之考証近金州友人修方志  
將錄以遺之

松翁未焚稿  
第二十四頁第十三行第十七字馬雄  
島下遺遼東志亦作馬雄島八字

平倭之役碑載劉江與都指揮徐剛太宗實錄又有  
都指揮錢真遼東志爵命劉江傳則無錢真而有百  
戶姜隆言江遺隆以奇兵伏山下邀其歸路又名宦  
劉斌傳言以金州勦滅倭寇陞金吾衛指揮使則當  
時同江立功者錢真徐剛外又有劉斌姜隆也遼東  
志職官載徐剛金州衛人併附記之

松翁未焚稿

歸服堡城門石額

正書

文六

二十五

### 歸服堡

此石額今在金州城東北城子疇之三清廟東側石  
壁間通志云歸服堡城在寧海縣城東北一百六十  
里周圍三里一門今圯廢按金州衛在清初時仍沿  
明舊稱雍正十二年改為寧海縣道光二十三年又  
改為金州廳此堡乃明代防倭所設為金州沿海城  
堡墩架之一全遼志云歸服堡原廢嘉靖三十三年  
新復今尋其遺址在城子疇舊派出所東半里許面

積約二十五畝僅存殘壁土邱於荒烟蔓艸中其西南東北二門隱約可辨堡東有古刹即三清廟東南短垣上嵌石三方鐫歸服堡三大字或云城子墮之得名緣此堡云

永安臺石額 高二尺橫四尺正書

永安臺

萬曆口年口月口口

此石額原在金州東貔子窩管內贊子河會西北新

文六

二十六

臺子屯臺高四丈二尺底座周圍十一丈餘磚砌圓錐形上有長方口攀梯可登為金州地方烽火台之最完整者為明代沿海防倭所築歷三百餘載至民國

九年 公元一九二〇年 石額為該會日人警察派出所盜去

見關東州葉弟八十五頁所載 不知運往何處

孛蘭鋪城門石額 高二尺一寸廣三尺六寸雙鉤正書

口口口金州衛口口口口

孛蘭鋪

字

萬曆十一年八月□□

此石額在今金州普蘭店按陳組綬明職方輿圖遼

東邊鎮表金州衛屬原有字監鋪驛站則作字蘭知

字監即字蘭之訛又無名氏統輿圖遼東金州屬有

字蘭堡遼東志二望海塢堡下有字蘭台志修于嘉

靖末年殆至萬曆間始升台為鋪也按乾隆四十一年刊黑龍江吉

林盛京戰迹圖金州北有博  
蘭鋪殆即字蘭鋪一音之轉

遼東金州先師廟記正書

遼東金州先師廟記

我國家敦尚儒術建學立廟諸凡典制所為崇重先師

文六

二十七

者視往朝獨備薄海內外遍置類宮蓋睿宗立極四遠

咸取則焉遼東之金州有學舊矣歲久告圯赤白錯渝

函園閭闔之不飾而群萃都肆之所幾化為蒿萊也興

起人文之謂何余門人盧氏王汝用以濟南郡相防海

於遼金州實其轄畧慨然奏記當塗咄嗟報允凡歷三

時而鳩僇具工以訖聞堂堉飭矣呆廡口振新矣孛愚

藻井煌煌矣旅樹幅如矣榱桷翼如矣而後金州巋然

稱有尼父之宮迅筵騰爵庭且萬焉尼父南面當坐配

祀秩然博士弟子肄習口達獲以處所用汝用之能急

當務也惟是遼陽為京師左輔女直毛隣距其東北朶

顏福餘距其西北蓋控弦鳴鏑地漢季公孫氏有衆一  
旅能株守疆圉管幼安至棄中原往依之口代驅逐南  
北遂藉為犄角不遺一矢向其樊夫非強國歟而今之  
遼陽何多故也倭奴犯與國糜國家錢穀數百萬碧蹄  
雲黯鴨綠波興僅僅束甲鳴劍去而高句驪之元氣已  
羸耗不能支此震於鄰也大將軍建旌旄出塞鼓聲不  
起全軍覆沒屋瓦皆震洶洶累卵危矣此震于躬也繩  
營之使吮血吸髓狼蠍橫馳人獲鰥鼠青海長山之利  
童木竭川而不能供剝於膚矣夫彈丸之地一震於鄰  
再震於躬至於剝膚而重陰積晦之為可愍然念焉然

文六

二十八

而商不易途市不易肆介冑之士荷戈之夫甘為魚肉  
沁沁焉而不敢越厥志固主上之威靈赫奕實吾臣父  
道光二曜用以維之之效也金州於遼陽最重豈以控  
弦鳴鏑之地獨重兵哉古者春夏學干戈秋冬學羽籥  
胥口口庭良非無以夫金州尚干戈而羽籥亦曷可舍  
旃若汝用者真能急當務者也于時當塗督撫則用吾  
趙公直指則驤漢康公念野蕭公兵使則口口張公錦  
溪楊公皆主其議而捐俸樂成者法得書記已而系之  
辭辭曰

洙泗興業虞周無前雷雨徒盈寧坤清泰遼海之區矢

盡礎橫仁義在國如綫不傾金起於鎔水實因水血氣  
可通靡不風起堂堦俎豆口祝儀刑象教殫明菁莪化  
行厥目所注厥心所之觀感奮發郊逆不移譬射有鵠  
如戰示旌懷仁景集抱知庸生膠榜列采類水生文勒  
名貞石永範口口

賜同進士出身資政大夫南京吏部尚書前刑部尚書  
吏部左侍郎都察院左僉都御史東牟趙煥撰

萬曆叁拾伍年歲次丁未仲夏月吉旦立  
碑陰

全州衛建修廟學碑記

文六

二十九

萬曆甲辰歲余以海防蒞全州謁先師畢進諸生講於  
明倫堂門殿宇敞漏兩廡傾圮敬一亭啓聖文昌名官  
鄉賢諸祠僅有舊址盡成瓦礫明倫堂亦不堪蔽風雨  
周圍墻垣泮池及門窻盡皆頽壞余駭愕久之請兩院  
及本道俱允所議遴武弁中之才者每分委一員給以  
材木磚石匠役余不惜鈍駑區劃調度朝夕罔敢懈蓋  
無一木一瓦非新自造製者肇工於三十五年七月落  
成於次年三月一切殿宇祠垣泮池影壁俱莫麗改觀  
請記於掖縣吉亭趙口口院用吾趙公具詳其事而鐫  
之石矣王子日余因是而知聖人之道之大也全州在

海陬窮徼其孔廟儒學建自國初迄於今二百年余方  
再建修厥工甚鉅而所費初亦慮其難繼也余僅捐俸  
半載能濟幾何所賴院道有助衛所有助鄉宦口民有  
助僅可易材置料給諸匠之賞矣夫役日用尤苦無所  
出於罪人之應答者量易以米及別事設處計四百五  
十有餘石人無恡難亦不疑議蓋施者樂輸而役者忘  
勞故不一載而完茲聖道之流行通於人心者敦然不  
容已也金州士本來口行後有稍溷於俗者今釋回而  
循矩彙日且執經問難以他山之石就於余者半百彬  
彬濟濟無異曩昔士風而偉人俊業有應運崛起者孰

文六

三十

謂非聖道之陶鎔以有所感發而興起歟詩云高山仰  
止景行行止語云百工居肆以成其事君子學以致其  
道諸士出入闡奧日瞻依而景仰之豈口無希賢希聖  
之思然必致於道知聖賢可學而至也廟學之修蓋不  
在區區觀示間也諸士念之哉余不揣僭妄敢附之碑  
陰以記萬曆戊申仲春之吉奉政大夫山東濟南府同  
知駐劄金州海防中州後學王邦才謹識

此碑在金州孔廟碑陽刻先師廟碑趙煥撰稱萬曆  
三十五年濟南府同知王邦才駐金州海防乃重修  
先師廟于次年三月落成刻石紀事碑陰則邦才撰



修廟學碑記趙煥明史有傳嘉靖四十四年進士授  
烏城知縣入為工部主事改御史萬曆三年擢順天  
府丞累遷左僉都御史十四年累遷工部右侍郎改  
吏部進左乞假去起南京右都御史以親老辭不許  
尋召為刑部尚書尋引疾歸再起南京右都御史改  
吏部尚書皆不起家居十六年召拜刑部尚書兼署  
兵部四十年二月孫丕楊去改署吏部與碑書銜畧  
合碑文有倭奴犯與國糜國家錢穀數百萬碧蹄雲  
黯鴨綠波腥僅僅束甲鳴劍去之語案倭朝鮮事見  
明史神宗紀萬曆二十年五月書倭犯朝鮮陷王京

文六

三十一

朝鮮王李昫奔義州求救七月甲戌副總兵祖承訓  
帥師援朝鮮與俄戰於平壤敗績冬十月壬寅李如  
松提督薊遼保定山東軍務充防海禦倭總兵官救  
朝鮮二十一年正月甲戌李如松攻倭於平壤克之  
壬午李如松進攻王京遇倭於碧蹄館敗績李如松傳作如松  
松將輕騎趨碧蹄館猝遇倭圍數重如松督部下麤  
戰會楊元兵至斫重圍入倭乃退官軍喪共甚多  
四月癸卯倭棄王京遁六月癸卯倭使小西飛請款  
七月癸丑召援朝鮮諸邊鎮兵還十二月丙辰薊遼  
總督顧養謙兼理朝鮮事召宋應昌李如松還碑又  
稱大將軍建旌旄出塞鼓聲不起全軍覆沒指李如

松戰歿事明史神宗紀萬曆二十六年四月丁卯書  
遼東總兵官李如松出塞遇伏戰死李如松傳則作  
土蠻寇犯遼東如松率輕騎遠出搗巢中伏力戰死

戰死与碑均合

滿洲金石志五

靈濟寺記

在廣鹿島上尖子屯  
三官廟屯北方高邱

序廣鹿島靈濟寺碑記

書云作善降之口祥不善者降之百殃經云萬善歸依  
惟口口竝提而知口善口口之理儒釋口口歸一也吾  
人婆婆於紅塵道中口口佛天自古及今聞有捨身以  
供佛亦有捐土以置祠蓋口知口提所造福者大而法

文六

三十二

光普照者遠也惟廣鹿僻在海隅自遼左板蕩以來兵  
民雜處十餘年間海不揚波安居樂業就非神靈之口  
祐哉口口口口靜口口我陳公之命捐貲首倡固古  
刹舊基口口立招提禪院題其額曰靈濟寺供奉三寶  
三元弥勒世尊等像施口立四民之香火為一方之保  
障惜波濤於永息奠萬姓於阜安汎口口氣者歲改口  
口祀口口口其口禪於生民豈口小補云乎哉菊月  
口口口口口口予文謹識以為其記云

明崇禎歲次己巳季秋穀旦古襄後學夏玉薰沐拜撰  
碑陰

欽命出鎮行邊督師劉遠保定等處軍務兵部尚書兼都察院右副都御史袁崇煥  
欽命出鎮行邊督師標下署鎮事口鎮府副總兵口口口  
欽命出鎮行邊督師標下管旗鼓事副總兵口口口  
欽命出鎮行邊督師標下管口口口事游擊口口時  
欽命出鎮行邊督師標下督理河東餉司通判口口口  
欽命出鎮行邊督師標下署右口事副總兵劉興祚  
欽命出鎮行邊督師標下龍武中營副總兵口口口  
欽命出鎮行邊督師標下龍武右營游擊趙濯清  
欽命出鎮行邊督師標下龍武後營游擊金鼎鄉  
督師部院督口口管廣鹿等島左營游擊周宗禹

文六

三十三

督師部院督口口管廣鹿島步營都司署都指揮口口  
督師部院督口口廣鹿島口營都司指揮僉事口口口

新安寺記碑在廣鹿島光復後此碑填入井中

啟建新安寺碑記序文

伏以廟貌建新規口口凡之端嚴虔心崇奉祀口口  
金祿之如在口林行處口口梗何緣通跡斯序者因  
庚午歲次月內有管廣鹿游戎次山金公舉念擇地安  
僧隨有功德主張選者同引眾庶創立寺院俱各告成  
乃辦圓滿道場勒石垂後惟口慧日普照智月常圓法  
雷頻響慈雲遍覆願依神後叩祝聖明河清海晏口口

□□時和年豐人安物阜商旅口集貨賄遂通□□□  
是□□□□宜創且寺□□□而銘勒不朽福有攸歸  
□□□格短詞報□□□□謹叙口維歲大明崇禎

三年庚午歲仲冬月□浣之吉

游擊事副總兵署都督僉事毛承祿吉旦立

生員原籍江西饒州府浮梁縣□□賜撰書

碑陰

董雲龍 馬口功 □□□ □□□ □釋子梁勇

金永口 若口進 高有口 □□安 □□功 □□

管廣鹿島總丁志祥 柳口口 □□□ 趙口忠 李口口 □安

金鴻員 金口振 張口道 申時口 □守官 戒淨

文六

三十四

原任東江總兵左營游擊將趙口龍 金聲桓 周口時 張安口 樂右口 呂德

原口口衛指揮金求口 宋帥魁 楊口善 許國籍 口口祥 圓口

原廣鹿島中軍都指揮僉事王恩詔 張廣才 朱錫爵 高仲德 李士成 木口道口

長山游擊都指揮使劉印科 曾口參 梁有陣 馬希龍 唐有明 匠傳友口

東江總兵標下聽用都司趙翼 張應台 梁恩增 張景松 口口功 □□□

長山島中軍楊口革 高彥明 宋守德 徐成名 黃遠選 楊口口

趙學仁 田守祖 梁守本 謝進忠 李士舉 畫全國泰

把總 周文啟 商應龍 毛成懷 黃文舉 黃守伏 匠口永口

商人 劉國珍 關則周 劉文科 林世春 口口口

張天佑 柴起鵬 王成安 蕭成 碑位口口

清重修永慶寺記

寺在  
金州北門外  
順治十五年重修

重脩永慶寺碑序

正書

嘗聞佛為西域之聖人也竊考其地屬金其性好殺強悍匪彝天實厭之於周昭王二十六年乃篤生一人和惠存心慈悲成性多方誘掖化殘忍作善良易暴戾為醇樸強暴之風遂易匪彝之俗遂移於是天下共尊之曰佛而釋教之名自此始矣然教雖未行於諸夏其好生惡殺以柔制剛之化亦有裨益於中國者也可以自漢明帝以來國有興廢教愈昌熾至唐貞觀中太宗東征駐蹕於此遼海既定勅鄂國公鳩工營建斯寺名之

文六

三十五

曰永慶將亦欲藉化頑梗之人易悍移暴以得其永慶耳後至勝朝弘治壬戌歲重修之正德乙亥歲又重修之亦此意也及於我皇清肇興兵燹之餘居民離散斯寺之院宇墻垣復頽圯焉迨順治丙申歲奉旨招徠人民復集凡遊覽之人往來斯寺者無不感古興悲適有僧人成喜觀其殿宇傾頽佛像暴露遂行持鉢乞化履冰卧雪席不暇溫竭力重修志氣不衰數年來大雄天王門及後殿五楹次第而理釋迦諸佛逐位粧塑廊屋門堂黝堊丹漆燦然維新而唐明創修之意遂使不墜可謂善繼古人之志者也功已云竣欲刊石以垂不朽

僧人成喜請序於予且曰捐貲檀越善信人等勞力於斯寺者不有所序何以昭好善之誠以見佛化易之力乎予感其言是以為序

登仕郎理金州司事陳萬善

奉天府僧綱司僧綱劉等法

蓋平縣儒學庠生 林璋撰

海城縣儒學庠生 金印書

重修寧海縣學宮記

在金州孔廟西院嘉慶十八年重修

重修寧海縣學宮記

正書

寧邑瀕於海雍正十二年始置縣海上之民安於耕鑿

文六

三十六

其秀者挾詩書勤講習駸駸乎沐浴於聖天子崇文治漸矣乾隆十八年始建學宮邑令賴侯司其事邑之人感之勒諸石以誌毋護也今六十星霜而飄搖非其比矣事患弗克勗亦患弗克繼耳近年宰斯邑者未嘗不欲繼之重為修理乃簿書鞅掌不遑及於斯嘉慶十八年歲次癸酉冬之仲實公長山攝邑瞻拜文廟見棟宇漸就頽圯丹堊剝落橋斷池平帷幔豆籩未悉具愆如不能以安謀之邑之司訓出所儲木材捐廉鳩工為之計啓聖宮三間大成殿三間東西廡共六間戟門三間櫺星門三間泮水環橋次第開工皆仍當日舊式長山

又以文昌入於祀典因移建文昌宮於學之尊經閣前  
即以尊經閣為文昌後宮以向之文昌宮為明倫堂即  
其堂課士兼以藏書此今日更定規模也由是樂歌禮  
盥備物有容可以肅觀瞻可以致尊禮是舉也贊成之  
者城守尉東公瞻齋任其勞者司訓王公端甫捕廳曠  
巨川署捕廳官席珍及邑之紳士嚮風慕義捐工資伙  
費咸欣欣然始於正月至八月丁祭前工告竣四方之  
懷仁抱智而至者靡不式圖仰鏡焉以視前賢之肇斯  
學者豈不後先相輝映哉澍欽奉簡命校課海陬念學  
為士之歸士為民之望庠序多篤學之士即地少滋事

文六

三十七

之民禮讓大行爭訟自息修整學宮端正士習以為民  
先致治之本也區區此心所日夜望之於賢有司者春  
二月竇長山以公事來瀋陽為余言寧邑東西約五百  
里村市相間戶口殷繁其俗士好禮而民樂業與官斯  
土者相安於無事及歲試王端甫來謁余詢之如竇公  
言又述其重修學宮一事並丐余言記其始末余惟竇  
公知致治之本又同事皆君子宜其官於寧邑與士民  
相安於無事也上體聖天尊師重道之至意下為地方  
化民成俗之大原寧邑之遊學者勉乎哉其事自濯磨  
稟雅橫經以仰副盛世菁莪作人雅化焉澍不勝欣忭

企望之甚是為記

賜進士出身中憲大夫奉天府府丞提督學政銅仁徐如澍敬撰

例授文林郎檢選知縣丁卯科舉人邑人孔毓連敬書

三官廟記

碑在廣鹿島碑叙乾隆五十六年開島安民事亦島上之一段史話

三官廟記

嘗思廟以神為主神以廟為依斯有神則無不靈而有廟則無不修也夫修廟塑神原以護國佑民而肇基有自則歲月罕詳曠覽都城省郡廟雖存而墜厥由來者多矣廣鹿島三官廟幸有碑記為証拭目遍閱於崇禎

文六

三十八

己巳年因古刹舊基立招提僧院考其月日昭昭不爽蓋已歷二百多年之古庵矣大明衰敗清朝盛興遙憶島內土地荒蕪人烟寂寥人等潛藏於茲向無民籍當拜望之餘神雖有靈香火或缺至乾隆五十六年奉上諭開島蒙錦州臺大臣確奏恩准委寧海縣馮太翁赴島安民權衡地畝編戶征租永居樂業由是而人民繁昌商賈絡繹船艘來往魚網衆多然而時和年豐人安物阜風調雨順海晏河清由神靈之護庇今一旦山門廟宇被風雨所侵鳥鼠攸傷駸駸乎傾圮之象是以叩化十方君子樂捐貲財其勸盛事務使廟貌永固香烟



縹緲於百代神威常存靈應昭著於千秋迨今功修告  
成勒一匾為記所有捐施之數目姓名開列於後以誌  
不朽

道光三十年十月十九日弟子環海劉榮甫敬題

何公祠記

祠在  
金州城內  
城隍廟東南隅

何公祠記

正書

嘗聞事變之起國家之不幸抑亦志士之殃也士君子  
遭遇隆盛得膺一官每樂從容以行其志誰甘以一時  
之義烈博身後之矜恤况一門之俱殲乎然事乃有不  
得已焉者年於太守何公見之矣公諱維墀字曉嵐金

文六

三十九

州廳之長甸堡人也父諱繼志以孝廉歷官粵廳司馬  
嘗訓太守公曰吾官南北未嘗以惠文冠作市肆招牌  
子其勉之公唯唯公無兄弟生四子二女第四子係故  
妾朱氏所生餘皆出元配徐淑人也公少年登道光乙  
酉科拔貢甲午科舉人丙戌官儀曹乙巳由儀曹郎出  
守江西贛州府旋以母服滿改授山西平陽府知府<sup>欽</sup>  
道銜一時廉聲惠政中外藉藉焉至咸豐癸丑乃遂有  
粵匪之變粵匪之攻懷慶也山右騷動六月中旬公奉  
調赴澤州辦理防堵事宜又馳赴郡屬籌辦餉需至八  
月朔日旋署越四日即聞垣曲之警維時平陽鎮總兵

烏勒欣泰奉調率所屬兵赴援存城之兵數不滿百  
左右皆勸公將家眷城外安置公慨然曰百姓恐矣若  
出眷屬是為之率也誰與守城者遂邀同文武紳耆及  
僚屬幕友召募民兵製備軍械日夜謀戰守之策一面  
飛稟各憲請兵援勦乃兵尚未至而賊已臨城公嬰城  
固守屬出奇敗賊斃執黃旗賊目四人餘眾無算賊已  
警潰矣突有郡屬軍犯陳富者綽號黑娃子擁眾四五  
千人由東門吊橋邊攻至竄賊復回城遂陷時公左右  
官親幕友家丁及募勇僅及二十餘人猶復裹創奮勇  
大呼殺賊巷戰三時之久力竭乃遇害時公年五十三

文六

四十

歲咸豐三年癸丑八月初十日酉時也同時殉難者官  
眷則元配徐淋人長子優貢生麟壽次子太學生鏡壽  
四子儒童鴻壽長女媛壽長媳趙氏次媳鍾氏三媳夏  
氏次子之二子恩官三子之長女蔭姑也官親二人幕  
友四人家丁十一人僕婦婢女二人最慘者鍾氏投繯  
縋絕自刺透胸者二赴水甕中乃死惟次女適同邑生  
員陳慶霖現在孀居得免長子之女端姑年八歲次子  
之長子文蔚年三歲經家丁王禧婢女全兒負出避民  
間得免現入邑庠生三子歲貢生喬壽自縊斷索雜賊  
中得出亦免即今之世龍裝騎都尉也善人有後信哉

事聞賜恤准於死事及原籍地方建立專祠兼准家屬  
殉難者一併附祀平陽之民思公之德悲公之死祠成  
已十稔矣惟原籍專祠今秋方歲事都尉公丐年屬碑  
詞年與都尉公兄弟夙相善己酉歲曾謁太守公於京  
邸形貌清癯丰姿嚴整一見而知為端人正士越至於  
今猶彷彿如將見之年謂人誰不死生不如死死亦生  
也遂從而作歌曰宇宙之間有正氣盛大流行真浩然  
其在於天為日月其在於地為山川其在於人為節烈  
精忠赫赫雷行天  
賜進士出身工部主事屯田司行走加二級喬有年撰

文六 四十一

附 貢 生 李 中 範 書  
世 襲 騎 都 尉 歲 貢 生 何 喬 壽  
生 員 孫 文 蔚  
清 同 治 五 年 仲 秋 穀 旦

重修城隍廟記

重修城隍廟碑文 正書

邑故有城隍廟其神世傳為陰府司輪迴掌善惡之官  
人皆疑之年獨信焉士君子讀書明理是非取舍之辨  
灼如也至愚夫愚婦簾肆掘巖翁伯張里哆願冥蠢懷  
殘秉賊皓首不知道理怵以國法則弗畏懾以冥報則

瞿然者所在皆是君子神道設教蓋取諸此舊制大殿  
三楹抱厦稱焉後寢宮前過廳又前山門亦稱焉隔街  
對山門一院為戲樓歲時演劇之所也而顏叔特甚至  
春秋報賽不能舉住持道正司道正張教寬字怡真儒  
士也以貧故加黃冠焉與年友善每至城輒主之成豐  
辛酉歲以重修之役相委年謂此不急之務怡真慨然  
曰嬉戲固尔然以古今忠佞賢奸貞淫淑慝辨演於上  
觀者時而扼腕時而切齒時而欣躍時而怒罵人心不  
死法戒式昭何為不急年唯唯遂約諸生王輝九廣募  
以就其志至同治壬戌歲事乃戲樓成而大殿適燬於

文六

四十二

火邑俗人死三日勿論男婦於茲廟招魂焉以為生平  
所為善於此賞惡於此罰年居停是觀屢覩靈異修復  
之役較戲樓為急<sup>年</sup>以是歲通籍觀政工部假歸後癸亥  
秋丁先君憂怡真約邑諸君子募化已有成數年為襄  
助其間自甲子春開工至秋而工告成又以東壁之三  
后殿西壁之七聖祠各一楹移與酒仙殿同院夫而後  
大殿乃巍然獨尊是役也出首倡率者司鐸楊公敬旃  
明府姜公寶廷捐廉助成者副憲戴公欣圍協軍果公  
毅堂司馬唐公伯華始終董其事者邑紳李公丕我孫  
公育堂貴公商之也

甲子秋工畢道友怡真屬年為文以記其事碑未立而  
怡真羽化光緒丁亥年以憂回籍為捐資刊舊文並詳  
施主銜名成先友未竟之志爰誌數語於後云

賜進士出身前工部主事改任山東蒙陰沂水章邱鉅  
野縣知縣喬有年撰文  
姜拱炬敬書

南金書院記

碑已燬今依抄本邊錄內  
有悞字俟得拓本再釐正

原夫文運出於天文才產於地文學成於人朝廷崇儒  
重道稽古右文胥郡縣立之學校教而育之又胥郡縣  
立之書院輔而行之迺來書院之舉歷見邸鈔或開拓  
其舊基或增益其經費或添購其書籍或嘉獎其師儒

文六

四十三

文教誕敷於斯為盛要皆賴搢紳先生提倡風雅都人  
士亦振興鼓舞於其間此事之所以克底於成歟金州  
向有書院其地即在儒學之署嘉慶二十年改為明倫  
堂而書院遂廢同治八年余權篆斯郡維時秉鐸者范  
雲波廣文也佐治者王尚之少府也整軍經武者安棣  
堂都護書鑑泉協君也僉慨然於書院之廢欲<sup>初</sup>建而  
興修之適與余心如出一轍由是各分廉泉之水用注  
學海之波一時城鄉紳董海島商民以及滿漢水軍各  
旗莫不踴躍捐輸爭先恐後噫腋已集矣厦可支矣遂  
擇泮宮東偏地經董事諸君不憚煩不惜力登憑交集

昕夕從公閱數月而南金書院告厥成功焉後<sup>經</sup>歷任諸公襄斯盛舉不遺餘力統計捐貲除用外儲集市錢壹萬有奇每年獲息千餘帛又捐有房園地畝每年獲租糧二十石歲定生童課分官齊各八每課獎賞需錢三十二竿薪水如之此皆量入以為出焉者也回憶經始之時迄今已閱十六年矣余去金州印亦逾十五寒暑其間或值多事之秋雖梯衝晝舞烽火宵訶而月課如故焉或遇不登之歲雖田成澤國早至蘊隆而課獎如故也非諸君子之守不失墜昌克臻此雖然善作者亦必善成善始者亦必善終倘後之人抑猶是卜之天時

文六

四十四

揆之地理繼起而廓充之則有志之士不更修其在人者哉茲余承之省垣適南金諸紳特來屬記於余蓋揆厥所元有如此而終都攸芋又豈有涯乎爰次顛末而書之以誌前同寅惓惓愛士之誠以彰鄉人士殷殷崇學之薦且以卜我國家駸駸得士之盛也是為記  
賜進士出身前署金州廳海防同知知承德縣事漢軍  
談廣慶撰文

大清光緒十二年吉月穀旦

碑陰

壬子科舉人周學程

從九品 矯潤

附貢 生恒齡

監 生曲秉瓚

貢 生韓夢弼

南金書院董事

候選知縣署 姜方謨

昌圖府教授

丙子科舉人 徐榮甲

監 生孫奉典

戶部郎中 閻邦鼎

邑庠 生倪宗程 敬書

文六

四十五

### 明季旅順死難諸將墓碣

樊公諱可化龍  
 尚公諱龍  
 左都督黃忠烈公諱龍  
 李烈愍公諱惟鷹之墓  
 張公諱大祿  
 項公諱祚臨

二品銜直隸按察使司按察使 建德 周馥  
 頭品頂戴四川提督二等輕車都尉世職 格洪額 巴圖魯 蓬萊 宗慶  
 頭品頂戴北洋海軍提督 西 林 已 圖 魯 廬 江 丁 汝 昌  
 二品銜署理直隸津海關兼管海防兵備道 貴池 劉含芳

皇清光緒十五年正月丙寅

顯忠祠記 碑在旅順 博物館

顯忠祠碑記 書

前明崇禎六年癸酉七月十四日我朝以兵取旅順明  
故島帥黃公龍部將李公惟鸞尚公可義項公祚臨張  
公大祿樊公化龍均戰歿於黃金山麓乾隆四十一年  
特詔予謚黃公忠烈李公烈愍建祠旅順尚項張樊諸  
公咸附祀焉旌其祠曰顯忠光緒八年壬午含芳奉欽  
差大臣督辦北洋海軍太子太傅文華殿大學士直隸  
總督部堂一等肅毅伯李委駐旅順辦理海防尋其故  
蹟而歲久祠湮丁亥春金州紳士知縣喬君有年指尋  
諸忠墓所因合同人封土勒碑每歲清明日以牲牢祭  
於墓道而祠宇缺然戊子仲夏含芳捐廉於三官廟西

文六

四十六

建祠一楹每歲七月十四日同人虔脩牲牢為之祠祭  
以彰忠蓋而永皇仁是為記

光緒十九年歲次癸巳仲夏月欽命二品銜調任山東  
登萊青兵備道軍功隨加二級紀錄二次貴池劉含芳  
敬識桐城張詒書丹

旅順自經光緒甲午甲辰兩次戰役後古蹟半就湮  
沒而劉含芳重修之顯忠祠早已頽圮不知其址矣  
此碑於民國七年出土於黃金山麓保存於旅順博  
物館使後之人讀其文猶想見當年黃帥與其部將  
李尚張項樊諸公戰守之功忠烈之忱氣壯山河風



勵千古者矣按乾隆四十年內府刊黑龍江吉林盛  
京戰迹圖所載太宗文皇帝癸酉年取明旅順口城  
癸酉為天聰七年即明思宗崇禎六年公元一六三三年與  
碑合圖又載丁丑年取明皮島丁丑為崇德二年即  
崇禎十年山東通志云崇禎十年夏四月清兵克皮島副總兵金日觀力戰死之是知  
旅順失守後四年皮島旋亦不保又六年而明社屋  
矣當建州以叛將孔有德等為嚮導率新附軍合步  
騎萬餘人襲旅順時黃帥與諸將奮勇抗敵相持十  
餘日終因眾寡不敵矢石俱盡乃與全部將領自刎  
於黃金山下此崇禎六年七月十日夜間事也碑作十四

文六

四十七

日旅順竟於是夕失守被俘男女老幼五千三百零  
二人金二十二兩銀三萬餘兩人獲八箱裘服等物  
無算見滿洲實錄從此清兵入關無後顧之慮矣  
王貞婦由氏節烈記碑文正書在金州城北三里莊子大道旁  
王由氏節烈碑

北海庠生高尚禮撰

烈婦由氏者金郡之貧家女也生有堅操容止修整雖  
未一涉書史而性情格調闇與烈婦相合年及笄適郡  
之王永貞貞無恥子即其母若弟亦未可以人齒甫入  
門舉家即欲奇貨居之婦忤其指家之人隱恨之而屈

於辭亦無由明言其非也然由是不得於其夫并獲罪於其姑所為稍不如意即虐過之否則以他人過失遷怒於婦輒箠楚之甚至冬夜不與衣食藉草茹水恒寢處灶薪間隣媪見而憐之稍為之溫存其家人知則詬罵不已而不使之援如此挫折者凡越四寒暑而終莫能奪惟有飲泣而已一日夫誘一少年至其家若必欲喪其貞而後快者婦曰与其不貞而生不如貞而死安可逼耶少年無敢犯走避之夫忿極遂梃殺之而置其尸於井以掩其迹此光緒六年八月既望夜間事也婦父知其女死之寃也而鳴之於官斯時蔭之魏公來

文六

四十八

署斯郡檢其尸而驗之見顏色如生且偏體鱗傷不禁惻然歎曰非有奇寃苦節安能如此耶一鞠遂得其情將其夫論決如律而以其事聞於廷仰蒙嘉獎發內帑建坊俾入節孝祠春秋享祀以為世俗風焉嗟嗟摩笄殉難刎頌全貞古之烈婦夫人稱之然吾謂夫義而為其夫死易夫不義而為其夫死難夫不義而并欲陷其婦之不義婦卒能以義自全至死不奪其事之難為更何如耶若由氏者豈得以尋常烈婦目之哉予聞而羨之爰為誌其大節而綴以銘銘曰

赫峯東峙淵海西停山川毓秀天地鍾靈烈女挺生巾

輓之尤濱海之郡其姓曰由冰霜其節松柏其性白璧  
完貞青史留名炳炳麟麟振古永馨

光緒十二年十一月吉日立

劉郭氏節孝記

清處士劉清泰妻郭氏節孝記

賜同進士出身即用知縣知益山縣事江毓秀撰  
玉石山高鳳凰嶺峙千巖森列三澗環流覽河嶽之雄  
圖實鍾靈秀載簡編之懿行不少瓌奇卓帽隱居禮讓  
沐幼安之化白刃可蹈節義存耶律之風迺有郭氏名  
姝劉家佳嬪幼嫻聞教長字儒門咏梅實之七三正華

文六

四十九

年之十九錦衾角枕期以同歸海誓山盟矢諾借老詎  
意鸞鏡孤掩釵鳳兮飛屈指合卺以來三年歡愛傷心  
摩笄之痛一旦長離將同穴以為期生也何戀倘入地  
而連理死也奚悲節婦固寧碎微軀以存香骨矣特是  
姑也桑榆已迫子之襁褓未離倘隨死者於泉途將委  
生者於溝壑於是吟葛楚賦柏舟代羅帳以素帷易錦  
茵以苫席守一杯之土魂慰黃泉撫數月之孤憂紓白  
髮而乃天心太忍復奪弱息之年命運難知幾至宗祧  
之絕若教將為餒鬼伯道竟之後人豈水以清而無魚  
松有蔭而不生草耶夫器不經盤錯不足以識鈇鋒人

不歷艱辛不足以彰奇節迺撫孩提之猶子作岐嶷之  
佳兒本是同根非僅螟蛉之似我願為有室承茲燕翼  
以興家卅年之隱隱曲衷藁砧應慰一室之融融和氣  
戚黨交稱僉謂鐵石同堅堪壯鐵山之色金玉式度不  
媿金色之名由是譽著芸編聲馳梓里一人勵節數世  
承麻憶昔時荼苦慕辛備經險阻喜今日蘭孫桂子森  
列階前溯源樂事於天倫歸本餘慶於積善是以輜車  
載筆潛德昭發越之光綽楔題門盛世降褒揚之典丹  
廷旌美誦紫誥以增榮彤管流輝垂青編而並懋不揣  
固陋為綴駢詞勒諸貞珉永為矜式

文六

五十一

連公德政碑

此碑光復後出土於城內孫姓園中

國家口盛京為根本重地而金州即門戶攸關故特設  
重鎮為吾屬之干城實陪都之口口口口其險固非  
徒奉省之南障賴以都護連公口闕開克繼口允光緒  
戊子秋承簡命來口口邦鎮定後容深明大體其政感  
人也久其德入人也深而人之愛戴公也咸願誌記而  
弗忘也金郡地瘠民口口應官府口口易易公口口然  
務在培元氣滌貪風以身倡之俾商農遂其生不以位  
望為口斷俾官吏守其分不以口為居奇觀於苞苴  
絕口口口口尤其昭昭者歟然而為人謀用心良苦矣

為己謀則口取家資以貸廉俸之所不給焉公之清廉自持也類如此軍興以來兵伍米餉率皆仰給於農功公則不失其時不荒其業每值春秋閱操而尤體口備至遇口原功必負不難人所短不棄人所長故上下一體宛然有家人父子之誼焉若夫市井無賴游惰奸民又未嘗不嚴為究治公之除莠正公之所以安良也恩威並濟惟公能之抑旗署之民詞專歸民署其中稍涉參差即易啓口口口口公知其然凡事先之以公忠而私心臆見勿得參一身為統遂致兩署有和衷共濟之休而莫知其所以至此見公之潛移默化口口也客

文六

五十一

軍駐境人皆以秋毫無犯相期望公則修睦聯歡賓主既見其交融守望并可以相助卒使一方口口孝弟各安其事以享太平者皆公之賜也但如歌晴喜兩人方疑邀天之幸而猶不知公實貺之公之識機宜明時務口口出尋常萬萬者噫公為地方造福者良多此其略耳夫金為奉之門戶得公以鎮守茲土詎惟是奉之南境賴公以口口口德政之在人心也實於金為尤著故旗民紳商不約而同疇不切來慕去思之感哉用是謹陳梗概勒之貞珉以口口口口之遺愛云尔

光緒十六年十二月初二日金復旗民紳商人等敬立

金貞婦仲氏墓闕銘

額八字篆書銘六十四字大楷光緒二十五年涂子衡司馬去後此銘被金氏摧毀以掩新塋之醜而仲之貞烈遂罕知之者矣

金貞婦仲氏墓闕銘

額四行行二字

懿歎貞婦雷精遠苗天稟剛質素尚風標作嬪於金市  
井塵囂所居鬱鬱其節昭昭禮防自持百鍊不銷蓮汙  
弗染蘭薰自燒哀感行路情激薄澆我銘章之光耀青  
瑤光緒二十四年春閏三月攝金州廳事長沙涂景濤

撰

徐君墓碣

額隸書文楷書

徐君墓碣并銘

額三行行二字

文六

五十二

君姓徐氏諱恕字心如廣州香山北嶺鄉人也自泰西  
電報行中國業此者粵人權輿君幼習電學既成派覽  
大連灣官報光緒廿有二年七月朔以疾卒浮屠海濱  
越二年俄人租地通商開拓鐵軌坵墓為墟其鄉人馬  
同壽李錫祥不忍其骨之暴也因與城北天齊廟住持  
心格乞一抔之土為遷葬焉攝金州分府涂景濤爰樹  
之碣而繫以銘銘曰  
電通一綫速於置郵傳命俄頃歷大九州維君之生忽  
焉如電浮生若夢電光一現旅櫬不歸改卜茲岡形化  
孤鶴魂依五羊黃仁溥察書侯允舉鐫

綦節母墓表正書

賜進士出身學部郎中專門司司長吳縣王季烈撰書  
節母孫氏先世自山東寧海移居全州城北十三里屯  
祖永泰父承先皆以孝弟聞妣韓有淑德節母幼秉母  
訓勤女紅年廿二適同邑綦處士德明結褵一載遽賦  
柏舟以為翁姑在堂諸叔尚幼乃忍死須臾婦代子職  
生則盡養死則盡禮鄉里稱其孝行撫諸叔成立為之  
授室家本寒素食指繁多黽勉治生夜不安席冬不篝  
火一絲一粟必珍必惜而每歲羨餘數百金皆積累之  
鄰里以窮乏告者慨然飲助不少吝人遂以駭母呼之

文六

五十三

弗顧也生於同治壬申六月初六日卒於戊寅六月二  
十日壽六十有七與處士合葬於半拉山屯祖塋之次  
無子以叔德盛之長子文增為之後